

PAULO TỸ ÇARTA HAN: TITO MỸ CARTA

1 ¹Paulo tỹ rá vễ. Sỹ Tito mỹ rán hã vễ. Topẽ mỹ sóg rãnhrãj tĩgtĩ, kỹ Jesus Cristo vỹ inh fẽg, sỹ tỹ ti apóstolo jẽ jé. Topẽ tóg èpra ke ù ag kuprẽg, ag tỹ ti ki ge jé. Kỹ tóg inh mỹ: “ha isỹ ùn kuprẽg ja ag mỹ tónh tĩg,” he ja nĩ. “Ag mỹ inh vĩ ti kãmén nĩ, sỹ ki hã tó mũ èn ti, ag tỹ ã vĩ jẽmẽ kỹ inh ki ge há han jé,” he ja tóg nĩ. ²Topẽ vỹ èg mỹ: “rĩr krỹg ja tũ ve jé ajag tóg ke mũ,” he ja nĩ. Hã ve sór èg tóg mũ. Topẽ tỹ nén tón hã vễ, vãsỹ, hã ra tóg ón tũ nĩgtĩ. ³Vãhã tóg èg mỹ ã vĩ tag jẽnẽ ja nĩ, ti tỹ èg mỹ jẽnẽnh ke kurã ki. Jesus tỹ tóg èg mỹ jẽnẽ ja nĩ. Hã to Topẽ tóg inh mỹ: “ha vẽnẽ kar mỹ tónh tĩg,” he ja nĩ, èg kren han tĩ èn ti. ⁴Hã kỹ sóg ã mỹ tó mũ, Tito! Inh kósin pẽ vỹ tỹ ã nĩ, ã tỹ inh mré Jesus ki rá kỹ jẽn kỹ. Èg jóg tỹ Topẽ mỹ sóg to vĩ tĩ, ti tỹ ã tar han jé, ã krĩ kuprã nĩ jé ke gé. Èg kren han tĩ tỹ Jesus Cristo mỹ sóg tag to vĩ tĩ gé.

Tito tỹ Creta ki ke ag ki rĩr

⁵Ã mỹ sóg: “ha ver goj vãso tỹ Creta tá jẽ,” he ja nĩgtĩ, ã tỹ tá isỹ nén han kãn ja tũ èn han kãn jé. Hã kỹ sóg ã mỹ: “cidade kar ki igreja to pã'i vin,” he ja nĩ. ã tỹ ù kuprẽg kỹ, ti tỹ tỹ pã'i jẽ jé, kỹ tag to jykrén nĩ, ha mẽ. ⁶Ûn kãmẽ kórég tũ jãvãnh jé ã tóg ke mũ, ùn prũ pir han kỹ nĩ ti. Ti krẽ tỹ Jesus ki rá kỹ tóg há tĩnh mũ, ag tỹ nén ù vẽnhmỹ han tũ nĩn kỹ, ajag panh vĩ jẽmẽn kỹ.

⁷Ha vé, ù tỹ tỹ igreja to pã'i jẽ sór kỹ tóg tỹ ùn jykre há jẽnẽnh mũ, ù tỹ Topẽ tũ ki rĩr há han mũnh ke mũ ti. Ti tỹ ã mré ke ag to: “ag kãfór vỹ tỹ inh nĩ,” henh ke tũ vễ. Ûn fe tỹ gỹm ke (ka)mẽ vỹ há tũ nĩ, ù tỹ vinho kron (ka)mẽ ti, ùn jũ (ka)mẽ ti. Kỹ tóg ã tỹ rico kenh ke hã to én ke tũ nĩ gé. ⁸Ti tỹ ù tỹ kuvar há tá kãmũ ag mỹ: “inh mré jẽ,” hen kỹ tóg há tĩ, ti tỹ vẽnẽ jykre há to há nĩn kỹ, ti tỹ vễso jykrén kỹ, vẽnẽ jykre kuryj han kỹ, Topẽ vĩ hã ki króm kỹ, ti tỹ vẽnẽ kanhrãn kỹ tĩg kỹ. ⁹Topẽ vĩ mẽ ja tóg nĩ. Kỹ ti tỹ tag kã jatu tũ nĩn kỹ tóg há tĩ gé. Kỹ tóg ù tỹ ã vĩ mẽg mũ ag kanhrãn há han ke mũ gé, ag jyvẽn há han jé tóg ke mũ gé. Û tỹ ti vĩ kafãn mũ mỹ tóg tó há han ke mũ gé, ti tỹ kã jatu tũ nĩn kỹ.

¹⁰Ha vé, ù tỹ hẽn ri ke ag tóg mẽ jãvãnh nỹtĩ. Véké ag tóg ón kỹ vẽnén tĩ. Ag tỹ ù lograr he sór vễ. Judeu ag vỹ tag to tar nỹtĩ, ha mẽ. ¹¹Èg tỹ ag vĩ tỹ tũg' henh ke vễ. Ha vé, ù fag ne ag vĩ kri fi sór mũl', kỹ fag tóg Topẽ vĩ tovãnh sór

mũ, fag mén mré hã, fag krê mré hã. Un'ón ag tóg tí, ù tỹ fag kanhrãn sór mũ ag. Hã ra ag tóg hã to nén ù ve sór mũ, jãnkamy tí, ag tỹ rico nỹtĩ jé. ¹²Ag kãmĩ ù vỹ ki hã tó ja nĩ, ag jyvẽn tí ù, ti tỹ ag kato tẽ kỹ tag tón kỹ, ha mẽ: “Creta tá ke ag vỹ tỹ ùn ón mé nỹtĩ,” he ja tóg nĩgtĩ. “Mĩg jũ ri ke ag nỹtĩ. Rãnrhãj vãnh ag nỹtĩ, hã ra ag tóg jẽn mág tàvĩ han sór tí,” he ja tóg nĩgtĩ. ¹³Hã ra tóg ge nĩ. Hã kỹ ag jyvẽn tar han nĩ, ag tỹ Topê ki rã to tar nỹtĩ jé. ¹⁴Ag mỹ: “Judeu ag tỹ vẽnħ ó tó mũ jẽmẽ sór tũg nĩ,” hemnĩ. Kỹ ag tóg ag mỹ eprã ke jykre tó sór mũ gé, ù tỹ Topê vĩ há mẽ vãnh ag. Ęg mré ke ag mỹ ké, ag tỹ ù tỹ ge vĩ jẽmẽ tũg jé. ¹⁵Ha vé, ù tỹ vẽnħ jykre kuryj han mũ mỹ tóg kuryj kar tí, jãvo ù tỹ vẽnħ jykre pãno han mũ mỹ tóg pãno kar tí gé, ù tỹ ti ki ge tũ ag mỹ. Ag krĩ vỹ kórég nĩ, kỹ ag tóg ajag jykre pãno to: “há ti nỹ,” he tí, jãvo ag tóg vẽnħ jykre há to: “kórég ti nỹ,” he tí gé. ¹⁶“Topê ki kanhró ěg tóg nĩ,” he ag tóg tí, ón kỹ. Hã ra ag tóg ti jykre han vãnh nỹtĩ. Ag tỹ ti jykre han vãnh ki ěg tóg vég tí, ag ón mũ ti. ù tỹ ge to ti kórég nĩ, Topê ti, ag tỹ ti vĩ ki króm sór tũ pẽ nỹtĩn kỹ. Nén ù há han ki kagtũg ag nỹtĩ.

Vẽnħ kar jyvẽn há han nĩ

2 ¹Ag jãvo Topê vĩ kãmén há han nĩ, ã tỹ ag jyvẽn kỹ, Tito'. ²Kófa ag mỹ: “nén ù há hã to jykrén nĩ,” hemnĩ. “Goj fa kron sór tũg nĩ. Nén há kar hã han sórmnĩ. Vẽso jykrén nĩ. Ti ki rã há han kỹ nỹtĩmnĩ. Jagnẽ to há nỹtĩmnĩ. Ti tovãnh sór tũg nĩ,” hemnĩ, kófa ag mỹ.

³Kỹ kófa fag jyvẽn nĩ gé. “Vẽso jykrén nĩ,” hemnĩ fag mỹ. “Û to vĩ kónãn tũg nĩ. Vinho to én sór tũg nĩ. Vẽnħ jykre há hã han nĩ, vẽnħ kar tỹ ve jé. ⁴Kỹ ajag tóg tátãg fag kanhrãn há han ke mũ,” hemnĩ fag mỹ. “Fag kanhrãn nĩ, fag tỹ ajag mén to há nỹtĩ jé, fag krê to, ⁵fag tỹ vẽso jykrén jé, nén ù vẽnħmỹ han sór tũg jé, fag tỹ ajag ĩn ki rĩr há han jé, vẽnħ kar mỹ vĩ há han jé, fag tỹ ajag mén vĩ mranh sór tũg jé, hemnĩ, tátãg fag mỹ,” hemnĩ, kófa fag mỹ. Fag tỹ tag han kỹ ù tóg Topê vĩ to é henh ke tũ nĩ, fag tugrĩn.

⁶Kyrũ ag jyvẽn nĩ gé. Ag mỹ: “nén ù kar to jykrén há han nĩ, ajag tỹ ěg tỹ nén to én tí ěn han tũ nĩ je,” hemnĩ. ⁷Tag han nĩ gé, Tito', vẽnħ kar tỹ ã jykre há tag ve kỹ ã kóm vẽnħ jykre há han sór jé gé. Ā tỹ ag kanhrãn kỹ ki hã tómnĩ. Kanhir kỹ vĩ tũg nĩ. ⁸Topê vĩ tó há han nĩ, ù tỹ ã to: “kygnẽ ti huri,” he tũ nĩ jé. Kỹ ù tỹ ěg kato tẽ mũ ag vỹ nén ù tónħ ke tũ nĩ. Kỹ tóg ag mỹ'a tĩnh mũ, ag tỹ ón kỹ ěg kato vĩ ja nĩn kỹ.

⁹Û mỹ rãnrhãj tí ag jyvẽn nĩ gé. Ag mỹ: “ajag patrão vĩ han nĩ,” hemnĩ. “Ti mỹ há ěn han nĩ, ti tỹ ajag mỹ vĩ há han jé. Ti vĩ kafãn tũg nĩ. ¹⁰Ti tũ péju(g) tũg nĩ. Ti tũ ki rĩr há han nĩ, ti tỹ ã to vĩ kónãn tũ nĩ jé. Ā tỹ ti tũ ki rĩr há han kỹ tóg Topê vĩ to vĩ há han ke mũ, ěg kren han tí ěn vĩ to, ã patrão ti, ti tỹ Topê vĩ mẽ kỹ,” hemnĩ, ù mỹ rãnrhãj tí ag mỹ.

¹¹Topê tóg ěg jagãgtãn sór mũ, eprã ke kar ag, kỹ tóg ěg kren han sór mũ. Hã jé Jesus tóg kãtĩg ja nĩ. ¹²Kỹ tóg ěg kanhrãn sór mũ gé, ěg tỹ ti kato tẽ tũ nĩ jé, ěg tỹ nén ù to én sór tí ěn han tũ nĩ jé gé, ěg tỹ ga kri mũn kỹ. Ęg kanhrãn sór tóg mũ, ěg tỹ vẽso jykrén jé, vẽnħ jykre kuryj han jé, Topê

jykre ti. ¹³Ti kätig ve sór ãg nýtí, há kÿ tóg ãg mÿ sér tí. Tÿ ti pâ'í mág täví nĩ, Topẽ ti. Tar täví ti nĩ, ãg kren han tí tÿ Jesus Cristo ti ke gé. Ti ve jé ãg tóg ke mü, kÿ tóg sĭnvĩ tĭnh mü, sér pẽ. Há kÿ tóg há tí, ãg tÿ tag ki mü há han kÿ. ¹⁴Ëg jagfy tóg ter ja nĩ, ti tÿ ãg jykre kórég ěn kókén jé. Kÿ tóg ãg kyküg mü, ãg jänhkri nýtí jé. Kÿ ãg tóg tÿ ti tú nýtĭnh mü sir, vyr mÿ. Ëg pi(jé) tÿ ú tú nýtí ha! Ti tú vÿ tÿ ãg nýtí, ãg tÿ vĕnh jykre há to tar nýtí jé.

¹⁵Tag kar tómnĩ, Tito! Tÿ ag jyvĕn tar han nĩ gé kejĕn. Ā tú vĕ mÿr, ā tÿ ag jyvĕn ke ti, kÿ ú jé ā to é he tÿg.

Topẽ jykre

3 ¹Ag mÿ: “governo vĩ jĕmĕmnĩ, ãg pâ'í vĩ ti,” hemnĩ. “Ag vĩ ki króm nĩ. Ag tÿ nén ú há to: han nĩ, hen kÿ han sórmnĩ, vĕsÿmĕr,” hemnĩ. ²“Ú to vĩ kónān tÿg nĩ,” hemnĩ ag mÿ. “Ú vĩ kafān tÿg nĩ. Vĕnh kar mÿ vĩ há han nĩ. Vĕnh kar mÿ komĕr há vĭmnĩ,” hemnĩ ag mÿ. ³Ha vé, vāsÿ ãg tóg kórég nýtí ja nĭgtĩ gé. Ki kagtĭg nýtí ja ãg nĭgtĩ. Ti vĩ mranh ja ãg tóg nĭgtĩ gé. Vāgfor mü ja ãg tóg nĭgtĩ, kÿ ãg tóg ú tÿ ón kÿ ãg mÿ vĕnh jykre tó mü ěn vĩ han ja nĭgtĩ gé. Eg tÿ nén to ěn mü ěn han kān ja ãg tóg nĭgtĩ, nén ú vĕnhmÿ kar ěn ti. Vĕnh jykre pāno han ja ãg tóg nĭgtĩ. Jagnĕ tú to ěn ja ãg tóg nĭgtĩ. Ëg jykre kórég tag vÿ vĕnh kar mÿ kórég nĩ ja nĭgtĩ. Jagnĕ to jÿgĭjũ (ka)mĕ (pĕ) ja ãg tóg nÿtĭgtĩ. ⁴Vāhā ãg tóg ki kanhró nýtí, Topẽ tÿ ãg jagāgtān kÿ, ãg kren han tí ti. Ti tÿ ěg to há nĩ mĕ ãg tóg vāhā. ⁵Ëg pi(jé) vĕnh jykre kuryj han ja nĭgtĩ! Há ra tóg ge ra ãg jagāgtān ja nĭgtĩ, há kÿ tóg ãg kren han mü sir. Ëg han mān ja tóg nĩ, ãg kygpe kÿ nÿtĭn kÿ. Ā kuprĭg tÿ tóg ěg han mān, kÿ ãg tåg nÿtĩ ha. ⁶Ëg mÿ tóg ā kuprĭg jĕnĕ, ti tÿ tÿ ãg jagrĕ nĩ jé. Jesus Cristo há tugerĭn tóg ti jĕnĕ, ãg kren han tí ěn há tugerĭn. ⁷Hā kÿ tóg ãg mÿ vĕnh pāte fón mü sir. Ti tÿ ãg jagāgtān há vĕ. Kÿ tóg ãg mÿ ā tú tovānh sór mü. Há tó ja ti nĩ. Rĭr krÿg ja tú ve jé ãg tóg ke mü. Ëg tÿ tag ve jé tóg ãg mÿ ā kuprĭg jĕnĕ.

⁸Tag vÿ ki há ke nĩ. Há kÿ vĕnh kar mÿ tómnĩ, ag jyvĕn to krónh ke tÿg nĩ. Ú tÿ Topẽ ki ge mü ag jyvĕn há han nĩ, ag tÿ vĕnh jykre há há han sór jé. Kÿ ag tóg tag há to vāsān ke mü. Tag vÿ há nĩ. Kÿ tóg ãg mÿ nén ú há han ke mü gé, vĕnh jykre há ti.

⁹Judeu ú ag tóg véké ón kÿ vĕmĕn sór tí. Tag jĕmĕ sór tÿg nĩ. Ājag gufā ag jĭji tó sór ag tóg tí. Jagnĕ vĩ kafān ag tóg tí. Kÿ ag tóg Topẽ tÿ vāsÿ ãg jyvĕn tí ěn to jagnĕ vĩ kafān mü gé. Tag kar vÿ ãg mÿ nén ú há han ke tú nĩ. Nén ú tú vĕ, tag ti, há kÿ jĕmĕ sór tÿg nĩ. ¹⁰Ú tÿ vyrmÿ vĕnh jykre han sór kÿ ti mÿ: “ke tÿg ra,” hemnĩ. “Ke tÿg ra,” he régre han nĩ, ti tÿ kānhmar ā vĩ jĕmĕg tú nĭn kÿ. Tag pāte ti tovānh nĩ, ti tÿ mĕ jāvānh nĭn kÿ. ¹¹Ti jykre vÿ pāno täví nĩ. Topẽ vĩ mranh ti tí. Topẽ vÿ ú tÿ ge to: “kórég ti nĩ,” he tí.

Tito tÿ ne han ke ti

¹²Kejĕn sóg ā mÿ Ártemas jĕnĕ sór mü, ke tú nĩ kÿ Tíquico ti. Ti tÿ ā tá jun kÿ, vĕsÿmĕr inh kukām kätig, cidade tÿ Nicópolis ra. Tá sóg kusa fĭn rām ke mü.

¹³Zenas ki rĩr há han nĩ gé, lei to estudo han tĩ ěn ti, kar kũ Apolo ti ke gé. Kũ, ag tũ mũ mǎn ken kũ ag mũ vin nĩ, jǎnkamy tũ ag mũ tũg ke mũ ěn ti.

¹⁴Kũ, ěg mré ke kar ag jyvĕn há han nĩ, ag tũ vĕnh rǎnrǎj há to tar nũtĩ jé. Kũ ag tóg ũn jagtar ag mũ vin ke mũ gé, ǎjag tũ nén ũ vĕnh kǎpǎm kũ. Tag ne há nũnh mũ! ěg tũ Topĕ jykre han to ken hǎ vĕ, kũ tóg ěg tũ Topĕ mũ nén ũ kanĕ han ri ke nĩ sir.

¹⁵Inh mré nũtĩ kar ag vỹ ǎ mũ ěkrég tĩ. Kũ ěg mré Jesus ki ge mũ kar ag mũ: “ǎjag mũ ti ěkrég tĩ, Paulo ti,” hemnĩ, ěg to há nũtĩ kar ag mũ.

Topĕ mũ sóg to vĩ tĩ, ti tũ ǎjag kar tar han jé.

Hǎ vĕ.